

“নকলকে না বলি, দিন বদলের দৃঢ় প্রত্যয়ে দেশটাকে গড়ে তুলি”

## মাধ্যমিক ও উচ্চমাধ্যমিক শিক্ষাবোর্ড, কুমিল্লা

লাকসাম রোড, কান্দিরপাড়, কুমিল্লা

ফোন : ০৮১-৭৬৩২৮, ওয়েবসাইট : [www.comillaboard.gov.bd](http://www.comillaboard.gov.bd)

বিজ্ঞপ্তি নং : ১৭১/২০১৭

তারিখ : ১৬/০৭/২০১৭ খ্রিঃ

### ২০১৭ সনের জেএসসি পরীক্ষার ফরম পূরণের বিজ্ঞপ্তি

মাধ্যমিক ও উচ্চমাধ্যমিক শিক্ষাবোর্ড, কুমিল্লা এর আওতাধীন অনুমোদিত সকল বিদ্যালয় এবং স্কুল এন্ড কলেজের প্রধান ও সংশ্লিষ্ট সকলের জ্ঞাতার্থে ও প্রয়োজনীয় কার্যার্থে জানানো যাচ্ছে যে, কুমিল্লা শিক্ষাবোর্ডের অধীনে ২০১৭ সনে অনুষ্ঠিতব্য জুনিয়র স্কুল সার্টিফিকেট (জেএসসি) পরীক্ষায় অংশগ্রহণেচ্ছুক ছাত্র/ছাত্রীদের অনলাইনে ফরম পূরণ ও পরীক্ষার ফি জমা প্রদান ইত্যাদি সম্পর্কীয় সময়সূচি ও নিয়মাবলী নিম্নে উল্লেখ করা হলো।

০১। অনলাইনে শিক্ষার্থীদের সম্ভাব্য তালিকা (Probable list) প্রদর্শন ও ফরম পূরণ :

শিক্ষার্থীদের তথ্য সম্বলিত সম্ভাব্য তালিকা কুমিল্লা শিক্ষাবোর্ডের ওয়েবসাইটে ([www.comillaboard.gov.bd](http://www.comillaboard.gov.bd)) ২৬/০৭/২০১৭ তারিখে দেয়া হবে। উক্ত সম্ভাব্য তালিকা হতে ২৭/০৭/২০১৭ থেকে ০২/০৮/২০১৭ তারিখের মধ্যে (বিলম্ব ফি) ছাড়া এবং ০৫/০৮/২০১৭ থেকে ০৯/০৮/২০১৭ তারিখ পর্যন্ত (বিলম্ব ফি সহ) Online-এ নিম্নবর্ণিত প্রক্রিয়ায় ফরম পূরণ (eFF) সম্পন্ন করতে হবে।

(ক) প্রতিষ্ঠানসমূহ কুমিল্লা শিক্ষা বোর্ডের ওয়েবসাইটে ([www.comillaboard.gov.bd](http://www.comillaboard.gov.bd)) প্রবেশ করে eFF এ ক্লিক করে EIDN ও Password দিয়ে Login করে Probable list এ যেতে হবে এবং Print করে হার্ডকপিতে লালকালি ব্যবহার করে টিক চিহ্ন দিয়ে পরীক্ষার্থী Select করতে হবে।

(খ) উক্ত হার্ডকপিতে Probable list এ টিক চিহ্নিত পরীক্ষার্থীর তথ্য মিলিয়ে কম্পিউটারে প্রদর্শনকৃত Probable list থেকে Select করতে হবে এবং Save বাটনে ক্লিক করতে হবে।

(গ) Temporary List Print করে ভালভাবে যাচাই/বাছাই করে প্রয়োজন হলে Select/ Unselect করা যাবে।

(ঘ) Pay info-তে ক্লিক করার পর Pay Slip Print করতে হবে। নিকটস্থ সোনালী ব্যাংকের শাখায় (যে শাখায় সোনালী সেবা চালু আছে) Pay Slip এ উল্লিখিত পরিমাণ টাকা জমা প্রদান করতে হবে। উল্লেখ্য Pay Slip Print করে ব্যাংকে টাকা জমা দানের পর আর কোন অবস্থাতেই Select/ Unselect করা যাবে না। তবে ব্যাংকে টাকা জমা দানের পূর্বে Select/ Unselect করলে পুনরায় Pay Slip প্রিন্ট করে নিতে হবে।

(ঙ) ফি এর টাকা ব্যাংকে জমা দেয়ার ২৪ ঘণ্টার মধ্যে Final Submit Button Active হবে। অতঃপর Final Submit এ ক্লিক করে Final Candidate List প্রিন্ট করতে হবে। উল্লেখ্য Final Submit না করলে পরীক্ষার্থীর ফরম পূরণ নিশ্চয়ন সম্পন্ন হবে না।

(চ) Final Candidate List Print করে পরীক্ষার্থীর স্বাক্ষর গ্রহণ করতে হবে এবং প্রতি পৃষ্ঠায় প্রতিষ্ঠান প্রধান স্বাক্ষর করবেন।

০২। পরীক্ষার্থীর স্বাক্ষর সম্বলিত প্রিন্ট কপি এবং পরীক্ষার্থীর ফি বাবদ সোনালী সেবার মাধ্যমে জমাকৃত পে-স্লিপ এর মূলকপি শিক্ষা প্রতিষ্ঠানে প্রতিষ্ঠান প্রধান সংরক্ষণ করবেন। যে কোন প্রয়োজনে বোর্ড কর্তৃপক্ষ চাইলে ঐ প্রিন্ট কপি এবং পে-স্লিপের কপি সরবরাহ করতে হবে।

বি: দ্র: ফরম পূরণ বিষয়ক কোন হার্ডকপি বা পে-স্লিপ বোর্ডে জমা দিতে হবে না।

০৩। অনলাইনে ফরম পূরণে Password এর ব্যবহার : ২০১৬ সনের জেএসসি পরীক্ষায় যে Password দ্বারা ফরম পূরণ করা হয়েছিল তা ব্যবহার করে ২০১৭ সনের জেএসসি পরীক্ষার অনলাইনে ফরম পূরণ (eFF) কার্যক্রম সম্পন্ন করতে হবে।

০৪। ফরম পূরণে বিশেষ সতর্কতা অবলম্বন :

কোন কোন প্রতিষ্ঠানে একই নামের দুই বা ততোধিক শিক্ষার্থী থাকতে পারে। এক্ষেত্রে অনলাইনে ফরম পূরণের সময় বিশেষভাবে লক্ষ্য রাখতে হবে যাতে পরীক্ষায় অংশগ্রহণে ইচ্ছুক কোন ছাত্র/ছাত্রী ফরম পূরণ কার্যক্রম থেকে বাদ পড়ে না যায় এবং ফরম পূরণ করা ছাত্র/ছাত্রীর স্থলে একই নামের ফরম পূরণ না করা অন্য ছাত্র/ছাত্রীর নাম অন্তর্ভুক্ত হয়ে যায়। ছাত্র/ছাত্রীর নাম, পিতা/মাতার নাম, জন্ম তারিখ ও রেজিস্ট্রেশন নম্বর ভালভাবে যাচাই-বাছাই করে দক্ষ লোক দ্বারা অনলাইনে ফরম পূরণের চূড়ান্ত (Final) কাজ সম্পন্ন করতে হবে।

০৫। ফরম পূরণ কার্যক্রমের সময়সূচি :

ক্রমিক	কাজের বিবরণ	তারিখ
(ক)	কেবল নিজ নিজ শিক্ষা প্রতিষ্ঠান থেকে রেজিস্ট্রেশন হওয়া সাপেক্ষে শিক্ষার্থীরা ২০১৭ সনের জেএসসি পরীক্ষায় অংশগ্রহণ করতে পারবে। জেএসসি পরীক্ষা শুরুর সম্ভাব্য তারিখ	০১/১১/২০১৭
(খ)	২০১৭ সনে জেএসসি পরীক্ষায় যে সকল পরীক্ষার্থী জিপিএ উন্নয়ন পরীক্ষায় অংশগ্রহণ করবে তাদের নিজ নিজ শিক্ষা প্রতিষ্ঠান প্রধানের বরাবর সাদা কাগজে আবেদনের শেষ তারিখ	২৪/০৭/২০১৭
(গ)	বিলম্ব ফি ছাড়া অনলাইনে ফরম পূরণের শেষ তারিখ	২৭/০৭/২০১৭ থেকে ০২/০৮/২০১৭
(ঘ)	বিলম্ব ফি ছাড়া সোনালী ব্যাংকের সোনালী সেবার মাধ্যমে অনলাইনে ফি জমা দেয়ার শেষ তারিখ	০৩/০৮/২০১৭
(ঙ)	বিলম্ব ফি সহ অনলাইনে ফরম পূরণের তারিখ	০৫/০৮/২০১৭ থেকে ০৯/০৮/২০১৭
(চ)	পরীক্ষার্থী প্রতি ২৫.০০ (পঁচিশ) টাকা হারে বিলম্ব ফি সহ সোনালী ব্যাংকের সোনালী সেবার মাধ্যমে অনলাইনে ফি জমা দেয়ার শেষ তারিখ	১০/০৮/২০১৭

১৬-০৭-১৭

০৬। বিভিন্ন প্রকার ফি এর হার :

- ক) জিপিএ উন্নয়নসহ পরীক্ষার ফি (প্রতি পরীক্ষার্থী) - ১০০.০০ (একশত) টাকা  
খ) বিলম্ব ফি (প্রতি পরীক্ষার্থী) - ২৫.০০ (পঁচিশ) টাকা  
গ) কেন্দ্র ফি (প্রতি পরীক্ষার্থী) - ১৫০.০০ (একশত পঞ্চাশ) টাকা (কেন্দ্র নির্ধারণ হওয়ার পর শিক্ষা প্রতিষ্ঠান সংশ্লিষ্ট কেন্দ্র সচিবকে প্রদান করতে হবে)  
ঘ) ফরম পূরণের বিশেষ অনুমতি ফি - প্রতি পরীক্ষার্থী (যার বেলায় প্রযোজ্য) ১৫০.০০ (একশত পঞ্চাশ) টাকা

০৭। (ক) নিয়মিত পরীক্ষার্থী ও তাদের বয়স :

২০১৭ সনের রেজিস্ট্রেশনধারী শিক্ষার্থীগণ ২০১৭ সনের জেএসসি পরীক্ষায় নিয়মিত পরীক্ষার্থী হিসেবে অংশগ্রহণ করবে। তাদের বয়স ৩১ ডিসেম্বর ২০১৭ তারিখে ন্যূনতম ১২ (বার) বছর হতে হবে এবং ১৭ বছরের বেশি বয়সের ছাত্র/ছাত্রী জেএসসি পরীক্ষায় অংশগ্রহণ করতে পারবে না।

(খ) অনিয়মিত/অকৃতকার্য পরীক্ষার্থী :

- i) ২০১৬ সনের রেজিস্ট্রেশনধারী ছাত্র/ছাত্রী যারা পরীক্ষায় অংশগ্রহণ করেনি তারা ২০১৭ সনের জেএসসি পরীক্ষায় অনিয়মিত পরীক্ষার্থী হিসেবে পরীক্ষায় অংশগ্রহণ করতে পারবে।  
ii) ২০১৬ সনের রেজিস্ট্রেশনধারী পরীক্ষার্থীর মধ্যে যে সকল পরীক্ষার্থী ২০১৬ সনে জেএসসি পরীক্ষায় অংশগ্রহণ করে ০১ থেকে ০৩ বিষয়ে অকৃতকার্য হয়েছে তারা ইচ্ছে করলে ইতোপূর্বে অকৃতকার্য বিষয়গুলো অথবা সকল বিষয়ে পরীক্ষায় অংশগ্রহণ করতে পারবে। আর্থিক বিষয়ে পরীক্ষায় অংশগ্রহণকারী পরীক্ষার্থীদের পূর্বে উত্তীর্ণ বিষয়/বিষয়সমূহের প্রাপ্ত জিপিএ সংরক্ষিত থাকবে। ২০১৭ সনের পরীক্ষায় তাদের অংশগ্রহণকৃত বিষয়/বিষয়সমূহের জিপিএ, পূর্বে উত্তীর্ণ বিষয়/বিষয়সমূহের সংরক্ষিত জিপির সাথে যোগ করে তাদের জিপিএ নির্ধারণ করা হবে।

০৮। জিপিএ উন্নয়ন :

কেবলমাত্র ২০১৬ সনের জেএসসি পরীক্ষায় অংশগ্রহণ করে উত্তীর্ণ হয়ে জিপিএ ৫.০০ এর কম পেয়েছে এমন পরীক্ষার্থীরা ২০১৭ সনের জেএসসি পরীক্ষায় জিপিএ উন্নয়নের জন্য অংশগ্রহণ করতে পারবে। তাদেরকে সকল বিষয়ে পরীক্ষায় অংশগ্রহণ করতে হবে। ২০১৭ সনের জেএসসি পরীক্ষায় তাদের জিপিএ উন্নয়ন হলে তা গ্রহণ করা হবে। অন্যথায় পূর্বের জিপিএ বহাল থাকবে। জিপিএ উন্নয়ন পরীক্ষার্থীকে পূর্বের পরীক্ষার প্রবেশপত্র এবং একাডেমিক ট্রান্সক্রিপ্ট-এর সত্যায়িত ফটোকপি প্রিন্ট আউটের সাথে সংরক্ষণ করতে হবে।

০৯। মেয়াদ উত্তীর্ণ পরীক্ষার্থীদের রেজিস্ট্রেশন নবায়ন করে পরীক্ষায় অংশগ্রহণ :

- i) ২০১৫ সনের রেজিস্ট্রেশনধারী শিক্ষার্থীগণ যাদের রেজিস্ট্রেশনের মেয়াদ শেষ অথচ ৪র্থ বিষয় বাদে এখনো এক বিষয়ে অকৃতকার্য আছে সে সমস্ত শিক্ষার্থীরা বিশেষ বিবেচনায় রেজিস্ট্রেশনের মেয়াদ কেবলমাত্র ১(এক) বৎসরের জন্য নবায়ন করে ২০১৭ সনের জেএসসি পরীক্ষায় অনিয়মিত পরীক্ষার্থী হিসেবে অকৃতকার্য বিষয়ে অংশগ্রহণ করতে পারবে।  
ii) রেজিস্ট্রেশনের মেয়াদ উত্তীর্ণ পরীক্ষার্থীর পরীক্ষার ফরম পূরণের পূর্বে সংশ্লিষ্ট শিক্ষা প্রতিষ্ঠান প্রধান প্রতি পরীক্ষার্থীর জন্য রেজিস্ট্রেশন নবায়ন ফি বাবদ ২০০.০০ (দুইশত) টাকা হারে বোর্ডের সচিবের অনুকূলে সোনালী ব্যাংকের ডিডি এর মাধ্যমে বোর্ডের হিসাব আয় শাখায় অর্থদান ও ডিডি জমা প্রদান পূর্বক প্রাপ্ত রসিদের ছায়াকপিসহ পরীক্ষার্থীর মূল প্রবেশপত্র, মূল রেজিস্ট্রেশন কার্ড ও ছকবিন্যাস পত্রের ফটোকপি আগামী ২৫/০৭/২০১৭ তারিখের মধ্যে মাধ্যমিক শাখায় জমা দিয়ে বোর্ড কর্তৃক রেজিস্ট্রেশন নবায়ন করে অনিয়মিত পরীক্ষার্থী হিসেবে ২০১৭ সালের জেএসসি পরীক্ষায় অংশগ্রহণ করতে পারবে। রেজিস্ট্রেশন নবায়ন অবশ্যই নির্ধারিত তারিখের মধ্যে সম্পন্ন করতে হবে।

১০। বহিস্কৃত পরীক্ষার্থী :

বহিস্কৃত পরীক্ষার্থীদের শাস্তির মেয়াদ শেষ হলে এবং রেজিস্ট্রেশনের মেয়াদ থাকলে তারা ২০১৭ সালের জেএসসি পরীক্ষায় অনিয়মিত পরীক্ষার্থী হিসেবে অংশগ্রহণ করতে পারবে। তাদেরকে সকল বিষয়ে পরীক্ষায় অংশগ্রহণ করতে হবে। রেজিস্ট্রেশনের মেয়াদ না থাকলে রেজিস্ট্রেশন নবায়ন করা যাবে না।


১১। পাঠ্যসূচি ও পাঠ্যপুস্তক :

- i) এনসিটিবি থেকে গেজেটে প্রকাশিত ২০১৭ সনের অনুমোদিত বইসমূহ ৮ম শ্রেণির পাঠ্যবই হিসেবে বিবেচিত হবে।  
ii) ২০১৫ ও ২০১৬ সনের রেজিস্ট্রেশনধারী অনিয়মিত পরীক্ষার্থীদের পরীক্ষা এনসিটিবি অনুমোদিত ২০১৫ ও ২০১৬ সনের পাঠ্যবই অনুযায়ী প্রণীত প্রশ্নে অনুষ্ঠিত হবে।

১২। ইংরেজি ভাষানে পরীক্ষায় অংশগ্রহণ :

যে সকল প্রতিষ্ঠানের ইংরেজি ভাষানে পরীক্ষা দেয়ার অনুমতি আছে সে শিক্ষা প্রতিষ্ঠান প্রধানকে নিম্নের ছক অনুযায়ী দুই কপি তালিকা করে এক কপি উপ-পরীক্ষা নিয়ন্ত্রক (মাধ্যমিক) এর নিকট হাতে হাতে এবং এক কপি মাধ্যমিক শাখায় আগামী ২৫/০৭/২০১৭ তারিখের মধ্যে অবশ্যই জমা দিতে হবে। অন্যথায় তাঁর শিক্ষা প্রতিষ্ঠানের শিক্ষার্থীদের ইংরেজি ভাষানে পরীক্ষা গ্রহণ করা সম্ভব হবে না। এতে কোন প্রকার জটিলতা সৃষ্টি হলে শিক্ষা প্রতিষ্ঠান প্রধানই দায়ী থাকবেন। ইংরেজি ভাষানে পাঠদানের বোর্ডের অনুমতি পত্রের সত্যায়িত ফটোকপি জমা দিতে হবে।

কেন্দ্রের নাম	কেন্দ্র কোড	বিষয় ও বিষয় কোড	পরীক্ষার্থীর সংখ্যা

  
১৬.০৭.১৭

১৩। শিক্ষা প্রতিষ্ঠান পরিবর্তন :

কোন অবস্থাতেই এক শিক্ষা প্রতিষ্ঠানের রেজিস্ট্রেশনকৃত শিক্ষার্থী অন্য শিক্ষা প্রতিষ্ঠানের মাধ্যমে পরীক্ষায় অংশগ্রহণ করতে পারবে না। তবে পিতা/মাতা/ অভিভাবকের বদলির/ যুক্তিসঙ্গত অন্য কোন কারণে নিয়মানুযায়ী শিক্ষা প্রতিষ্ঠান পরিবর্তন করে থাকলে, শিক্ষা প্রতিষ্ঠান পরিবর্তনের সকল প্রামাণ্য কাগজপত্র (সত্যায়িত ফটোকপি) পরীক্ষার্থীর স্বাক্ষরযুক্ত প্রিন্ট আউটের সাথে জমা দিতে হবে।

১৪। প্রতিবন্ধি পরীক্ষার্থী :

দৃষ্টি প্রতিবন্ধি, সেরিব্রাল পালসিজনিট প্রতিবন্ধি, বুদ্ধি প্রতিবন্ধি এবং যাদের হাত নেই তারা শ্রুতিলেখক সঙ্গে নিয়ে পরীক্ষায় অংশ নিতে চাইলে প্রবেশপত্র এবং রেজিস্ট্রেশন কার্ডের ফটোকপিসহ পরীক্ষার্থী এবং শ্রুতি লেখক উভয়ের চার কপি করে পাসপোর্ট আকারের ছবি, শ্রুতি লেখকের অভিভাবকের সম্মতিপত্র, শ্রুতি লেখক যে প্রতিষ্ঠানে অধ্যয়ন করে সে প্রতিষ্ঠান প্রধানের প্রত্যয়ন পত্র এবং প্রতিবন্ধির সনদসহ পরীক্ষা আরম্ভের পূর্বে পরীক্ষা নিয়ন্ত্রক বরাবরে আবেদন করতে হবে। এ ক্ষেত্রে সন্তম শ্রেণির ছাত্র/ছাত্রীকে শ্রুতিলেখক নিয়োগ করতে হবে।


১৫। অতিরিক্ত অর্থ ও বকেয়া আদায় সংক্রান্ত :

শিক্ষা মন্ত্রণালয়ের নির্দেশনা মোতাবেক জেএসসি পরীক্ষার ফরম পূরণে বোর্ডের নির্ধারিত ফি ছাড়া অতিরিক্ত কোন অর্থ আদায় করা যাবে না। কোচিং, মডেল টেস্ট ইত্যাদির নামে ছাত্র/ছাত্রীদের নিকট থেকে অর্থ আদায় করা যাবে না।

১৬। শিক্ষা প্রতিষ্ঠানে কর্মরত শিক্ষকদের তথ্যাবলি বোর্ডের ওয়েবসাইটে দেয়া নির্ধারিত ছকে অনলাইনে প্রেরণ :

কুমিল্লা শিক্ষাবোর্ডের আওতাভুক্ত সকল সরকারি, এমপিওভুক্ত ও বিশেষায়িত শিক্ষা প্রতিষ্ঠানে (স্কুল/ স্কুল এন্ড কলেজ) কর্মরত সকল শিক্ষকগণের তথ্যাবলি আগামী ২০ আগস্ট ২০১৭ তারিখের মধ্যে বোর্ডের ওয়েবসাইটে দেয়া (eTIF) এ নির্ধারিত ছকে অনলাইনে প্রয়োজনীয় সংশোধন ও যারা এখনও (eTIF) এ অন্তর্ভুক্ত হননি তাঁদেরকে অন্তর্ভুক্ত করতে হবে। প্রধান পরীক্ষক বা পরীক্ষক হিসেবে (eTIF) পূরণের জন্য সংশ্লিষ্ট বিষয়ের শিক্ষক হতে হবে। তবে এমপিওভুক্ত প্রতিষ্ঠানের ননএমপিও শিক্ষক, অতিথি শিক্ষক, লাইব্রেরিয়ান, সহকারী লাইব্রেরিয়ান, অফিস সহকারী, কম্পিউটার অপারেটর (eTIF) এর তথ্য প্রেরণ করা যাবে না। (eTIF) তথ্য প্রেরণ না করলে জেএসসি পরীক্ষা-২০১৭ এর প্রধান পরীক্ষক বা পরীক্ষক হিসেবে নিয়োগ প্রাপ্ত হবেন না। বর্তমানে অত্র বোর্ডের সকল প্রকার পারিশ্রমিক বিল সোনালী ব্যাংক লিমিটেডের অনলাইন ব্যাংকিং এর মাধ্যমে প্রদান করা হয়। তাই সকলকে সোনালী ব্যাংকের যে কোন শাখায় হিসাব খোলে ১৩ (তের) সংখ্যার ব্যাংক হিসাবটি সচল রাখা এবং হিসাব নম্বরের বিপরীতে বোর্ডে সরবরাহকৃত মোবাইল নম্বরটি সংযোজন করার জন্য বিশেষভাবে অনুরোধ করা হল। উল্লেখ্য সকলকে (eTIF) পূরণ করার সময় সোনালী ব্যাংকের যে কোন শাখার ১৩ (তের) সংখ্যার সচল ব্যাংক হিসাব(প্রয়োজনে সংশ্লিষ্ট শাখায় যোগাযোগ করতে হবে), মোবাইল নম্বর, প্রধান পরীক্ষক ও পরীক্ষক হওয়ার বিষয়, বিষয়কোড সুস্পষ্টভাবে অনলাইনে প্রেরণ না করলে প্রধান পরীক্ষক ও পরীক্ষক নিয়োগ/পারিশ্রমিক বিল প্রদানে কোন প্রকার জটিলতা দেখা দিলে সংশ্লিষ্ট প্রতিষ্ঠান প্রধান দায়ী থাকবেন। অনলাইনে তথ্য প্রেরণের হার্ড কপিতে সংশ্লিষ্ট শিক্ষকদের স্বাক্ষর নিয়ে প্রতিষ্ঠান প্রধান সংরক্ষণ করবেন।


১৭। বিজ্ঞপ্তিতে উল্লিখিত ২০১৭ সনের জেএসসি পরীক্ষা সংক্রান্ত যাবতীয় নিয়মাবলি সঠিকভাবে অনুসরণ করে প্রয়োজনীয় কার্যক্রম গ্রহণ করার জন্য সকল শিক্ষা প্রতিষ্ঠান প্রধান এবং সংশ্লিষ্ট সকলকে বিশেষভাবে অনুরোধ করা হলো।

  
(কায়সার আহমেদ)  
পরীক্ষা নিয়ন্ত্রক  
মাধ্যমিক ও উচ্চমাধ্যমিক শিক্ষাবোর্ড, কুমিল্লা  
ফোন : ০৮১-৭৬১৭২  
তারিখ : ১৬/০৭/২০১৭ খ্রিঃ

স্মারক নং : পরী/মাধ্য/জেএসসি/২০১৭/২৯২(১৯০০)/১৪

সদয় জ্ঞাতার্থে ও কার্যার্থে অনুলিপি প্রেরিত হল :

- ১। সচিব, মাধ্যমিক ও উচ্চশিক্ষা বিভাগ, শিক্ষা মন্ত্রণালয়, গণপ্রজাতন্ত্রী বাংলাদেশ সরকার, বাংলাদেশ সচিবালয়, ঢাকা
- ২। মহাপরিচালক, মাধ্যমিক ও উচ্চশিক্ষা অধিদপ্তর, বাংলাদেশ, ঢাকা
- ৩। পরীক্ষা নিয়ন্ত্রক, মাধ্যমিক ও উচ্চমাধ্যমিক শিক্ষাবোর্ড, ঢাকা/ রাজশাহী/ যশোর/চট্টগ্রাম/ সিলেট/বরিশাল/ দিনাজপুর
- ৪। জেলা প্রশাসক, কুমিল্লা/ চাঁদপুর/ ব্রাহ্মণবাড়ীয়া/ নোয়াখালী/ ফেনী/ লক্ষ্মীপুর
- ৫। পুলিশ সুপার, কুমিল্লা/ চাঁদপুর/ ব্রাহ্মণবাড়ীয়া/ নোয়াখালী/ ফেনী/ লক্ষ্মীপুর
- ৬। উপ-পরিচালক (হিসাব ও নিরীক্ষা), মাধ্যমিক ও উচ্চমাধ্যমিক শিক্ষাবোর্ড, কুমিল্লা
- ৭। জেলা শিক্ষা অফিসার, কুমিল্লা/ চাঁদপুর/ ব্রাহ্মণবাড়ীয়া/ নোয়াখালী/ ফেনী/ লক্ষ্মীপুর
- ৮। উপজেলা নির্বাহী অফিসার, এ বোর্ডের আওতাধীন সকল উপজেলা
- ৯। অত্র বোর্ডের সকল কর্মকর্তা
- ১০। সিনিয়র সিস্টেম এনালিস্ট, মাধ্যমিক ও উচ্চমাধ্যমিক শিক্ষাবোর্ড, কুমিল্লা
- ১১। অত্র বোর্ডের সকল সেকশন অফিসার
- ১২। অত্র বোর্ডের আওতাধীন সকল বিদ্যালয় এবং স্কুল এন্ড কলেজের প্রধান
- ১৩। ম্যানেজার, সোনালী ব্যাংক, বি.আই.এস.ই. বিল্ডিং শাখা, লাকসাম রোড, কুমিল্লা
- ১৪। সংরক্ষণ নথি।

  
16.07.17  
(মোহাম্মদ শহিদুল ইসলাম)  
উপ-পরীক্ষা নিয়ন্ত্রক (মাধ্যমিক)  
মাধ্যমিক ও উচ্চমাধ্যমিক শিক্ষাবোর্ড, কুমিল্লা  
ফোন : ০৮১-৭৬৪৬১  
ইমেইলঃ dcscomillaboard@gmail.com